



NORMAS DE INSCRIPCIÓN E ADXUDICACIÓN DE PRAZAS NO CAMPAMENTO DEPORTIVO DE VERAN CONCELLO DE MONFORTE 2021

O Concello de Monforte organiza, para o verán de 2021, unha nova edición do “Campamento Deportivo de Verán” motivado principalmente polas necesidades de conciliación familiar dos monfortinos e monfortinas así como para que nenos e nenas, rapaces e rapazas, poidan gozar dunhas vacacións activas practicando actividades lúdicas de xeito saudable, que en todo caso se organizarán tendo en conta as normas establecidas polas autoridades sanitarias.

1- PERSOAS PARTICIPANTES

Poderán participar nenos e nenas, rapaces e rapazas que cumpran os seguintes requisitos:

- Ter nacido entre o 01/01/2009 e o 31/12/2016
- No caso de prazas reservadas para persoas con discapacidade superior ó 33%, ter recoñecemento da situación de discapacidade e que non precisen da axuda de terceira persoa para participar na actividade.
- Aceptar e cumprir as condicións establecidas para a actividade.
- Non presentar síntomas asociados co COVID-19.

2- ORGANIZACION DA ACTIVIDADE E PRAZAS OFERTADAS:

- **Duración:** A actividade terá lugar entre o 1 de xullo e o 13 de agosto distribuído en tres quendas:
 - Primeira quenda: do 1 ao 15 de xullo
 - Segunda quenda: do 16 ao 30 de xullo
 - Terceira quenda: do 2 ao 13 de agosto
- **Horario:** de luns a venres non festivos de 10:00 a 14:00 h.
- **Servizo de transporte:** o campamento conta coa posibilidade de matricularse con servizo de transporte tanto para a ida como para a volta.



- **Prazas ofertadas e grupos:** estableceranse un máximo de 8 grupos de actividade por quenda. O número de prazas de cada un dos grupos irá en función da situación sanitaria en cada momento, e das ordes dadas pola Consellería de Sanidade relativas ás actividades de ocio e tempo libre e de actividades deportivas. En todo caso o número máximo de prazas por grupo será de 12. Resérvanse 4 prazas para persoas con discapacidade superior o 33 % e 4 prazas a disposición dos Servizos Sociais do Concello de Monforte, en cada unha das quendas.
- **Custe da actividade:**
 - Matrícula sen transporte: 51,75 € por quincena.
 - Matrícula con transporte: 67,28 € por quincena

Ás familias numerosas terán un desconto do 50 %
- **Lugar de celebración:** estableceranse tres instalacións deportivas permanentes durante todo o campamento. A cada un dos grupos seralles asignada una instalación permanente á que chegarán e da que sairán todos os días.
- **Tipoloxía e actividades:** actividades multideportivas, talleres, etc. En todo caso sempre en cumprimento das medidas que as organizacións responsables das actividades de lecer educativo xuvenil deberan implementar con carácter xeral, ademais de aplicar as prescritas polo Ministerio de Sanidade.

3- SOLICITUDE E PRAZO DE PRESENTACIÓN

O procedemento de solicitude será o seguinte:

1. As persoas interesadas en participar no Campamento Deportivo de Verán 2021 deberán facer unha **preinscrición** de xeito **telemático** a través da páxina web www.monfortedelemos.es **entre o 20 e o 31 de maio**.
2. Publicación de lista de persoas preinscritas o día **2 de xuño**.
3. Sorteio de prazas, no caso e ser necesario, o día **4 de xuño**. Por motivo da situación actual ocasionada pola crise sanitaria COVID-19, o sorteo realizarase sen asistencia de público. Na sesión estará presente un/unha funcionario/a municipal que dará fe do resultado do sorteo.
4. Publicación de lista de persoas admitidas e lista de espera, o día **7 de xuño**.
5. Inscrición definitiva (con aportación da documentación requirida segundo o artigo 5), aboamento da matrícula e xestión de lista de espera **entre o 8 e o 18** de xuño. A inscrición definitiva poderá facerse de dous xeitos:



- Enviando toda a documentación requirida por correo electrónico ó enderezo deporte.veran@concellodemonforte.com
- Presentando toda a documentación requirida nas Oficinas Municipais de Deportes ou Xuventude sitas nas Casitas da Compañía.

6. **Entre o 21 e o 25 de xuño**, publicación e inscrición en prazas vacantes.

4- PROCEDIMIENTO DE ADXUDICACIÓN DE PRAZAS

As persoas interesadas poderán solicitar a participación entre 1 e 3 quendas e terán que asignarlle a orde de preferencia a cada unha delas.

Para a asignación de prazas atenderase ós seguintes criterios de preferencia:

- Terán prioridade na asignación de prazas as persoas empadroadas no Concello de Monforte.
- Para a asignación da quenda preferente terán prioridade ademais:
 1. Persoas cuxos proxenitores estean ambos traballando.
 2. Familias monoparentais.
- Para a asignación do resto de quendas terán prioridade unicamente as persoas empadroadas no Concello de Monforte.

A adxudicación de prazas será atendendo, primeiramente, aos criterios de preferencia, e de ser necesario realizarase sorteo.

5- DOCUMENTACION A PRESENTAR:

A presinscrición realizarase exclusivamente de xeito telemático e non será necesario aportar ningún tipo de documentación.

No momento da inscrición definitiva das persoas con praza na actividade, será necesario aportar a seguinte documentación:

- Instancia de matrícula
- De ser o caso, certificado de discapacidade no que quede constancia a non necesidade de axuda de terceira persoa.
- No caso de familia numerosa, documentación acreditativa correspondente expedida polo órgano competente.
- Fotocopia do DNI do pai, nai ou titor/a legal.



- Fotocopia do DNI do/a menor ou libro de familia no caso de non ter DNI.
- De ser o caso fotocopia do DNI da persoa/as autorizadas a recoller ó menor.
- De ser o caso declaración responsable de que os dous proxenitores estean traballando na data de solicitude dos campamentos segundo modelo facilitado polo Concello de Monforte.
- De ser o caso declaración responsable de pertenza a familia monoparental segundo modelo facilitado polo Concello de Monforte.

Esta documentación poderá presentarse de dous xeitos:

- Enviando toda a documentación requirida por correo electrónico ó enderezo **deporte.veran@concellodemonforte.com**
- Presentando toda a documentación requirida nas Oficinas Municipais de Deportes ou Xuventude sitas nas Casitas da Compañía.

6- PAGO DA MATRÍCULA:

As persoas con praza, unha vez presentada a documentación requirida para a inscrición definitiva, enviaráselles, ó correo electrónico designado, a carta de pago correspondente coa súa inscrición. O pago poderano facer en Abanca, presentando a carta de pago, ou a través da pasarela de pagos habilitada na páxina web www.monfortedelemos.es A data límite para realizar o pago será o 18 de xuño.

7- PROTOCOLOS DE ACTUACIÓN CON MOTIVO DO COVID – 19 E OBRIGAS PARA PARTICIPAR NO CAMPAMENTO

Deseñarase un protocolo de actuación para toda a duración do campamento que, en todo caso, será acorde coas medidas que as organizacións responsables das actividades de lecer educativo xuvenil poidan implementar con carácter xeral, ademais de aplicar as prescritas polo Ministerio de Sanidade.

- **Espazos de actividade permanentes:** estableceranse espazos de actividade permanentes e exclusivos para cada grupo. Deste xeito cada grupo terá asignado un punto de chagada e saída durante todos os días de actividade, no que tamén levarán a cabo parte das actividades programadas evitando así a interacción con outros grupos.



- **Monitores/as fixos/as durante toda a quenda:** cada grupo terá asignado un monitor/a que será o/a mesmo/a durante toda a quenda.
- **Grupos reducidos:** formaranse grupos dun máximo de 12 persoas, que serán estables durante a duración de cada quenda.
- **Protocolo para chegada e a saída dos menores:**
 - A entrada e saída ao campamento farase de xeito gradual para evitar aglomeracións.
 - As familias deixarán o menor ao coidado do monitor/a na entrada da instalación que teña asignada, onde se desinfectarán as mans con xel desinfectante e se lle facilitará unha máscara.
 - Unha vez dentro da instalación asignada os nenos/as colocarán a súa mochila nun lugar habilitado para elo.
 - Á saída do campamento os nenos/as realizarán a mesma rutina que ó inicio, desinfectarán as mans con xel desinfectante e reuniranse coa persoa que ven a recollelos.
- **Protocolo durante as actividades:**
 - Realizárase con maior asiduidade o lavado e desinfección de mans durante a mañá.
 - Os monitores/as estarán atentos a posibles síntomas dos nenos/as para poder comunicarllo ás familias e ó Concello.
 - Cada grupo terá o seu material propio así como un espazo delimitado durante a duración do campamento.
 - Cada neno/a deberá levar da súa casa unha botella de auga rotulada co seu nome.
- **Protocolo de desinfección das instalacións:** diariamente, e unha vez finalizada a actividade de cada día, procederase á limpeza e desinfección de cada instalación.
- **As persoas participantes están obrigadas a:**
 - Incorporarse á actividade nos espazos e horarios establecidos.
 - Entregar ao/á menor a coidado do monitor/a no exterior da instalación asignada.
 - Acudir á actividade cumprindo con todas as medidas ditadas polas autoridades sanitarias.



- A non abandonar a actividade sen autorización da persoa responsable da mesma.
- A identificarse para a recollida das/os nenos/as á finalización diaria do campamento. Sempre será requirida a comparecencia dalgunha das persoas que figuran como autorizados/as na solicitude.
- A respectar as normas establecidas polos equipos de monitorado.

En todo caso este protocolo de actuación poderá verse modificado e/ou implementado en función das medidas que as organizacións responsables das actividades de lecer educativo xuvenil deberan implementar con carácter xeral, ademais de aplicar as prescritas polo Ministerio de Sanidade.